

ԹՈՒՐԻ ՄԱՄՈՒԼԸ

«Մուրճի» անցեալ համարում մենք տեսանք, թէ ինչպէս պ. Աղայեվը դառն արտասուքներ էր թափում, որ մահմեդականները մոռացել են զուրանը, չեն կարդում այն: Եւ այդ սարսափելի դանցառութեան հետեանքը, Աղայեվի հաստատելով լինում էր այն՝ որ «գայլի ընտրութիւնն ունեցող մահմեդականները գառնուկի մորթի մէջ էին մտնում»: Նախընկաշիւ և շրջակայ գաւառների սիրտ կտրատող, հանրածանօթ դէպքերից յետոյ, որոնք ցոյց տուին թէ թաթարները իսկապէս թր աստիճան «գառնուկի» մորթի մէջ էին մտել, մենք ցատով ու ապշութեամբ մտածում ենք. ինչ կը լինէր այն ժողովուրդների վիճակը, որոնք դժբախտութիւնն ունեն մահմեդականների հետ խառն ապրելու, եթէ այդ անխնայ կոտորող, թալանող, հրդեհող «գառնուկները» Աղայեվի երազած գայլերը դառնային: Բայց Աղայեվը կարող է այժմ հրճուել, որովհետեւ իր ցանած սերմերը լաւ են աճել. «Կասպից» սկսած մինչեւ «Շարքի-Ռուս», նա շարունակ համիւլամութեան թոյնն էր ներարկում մահմեդականների մէջ, նա անդադար քարոզում էր կրօնակիցներին դառնալ գայլ, արինարբու գազան. ինչպէս անցեալ համարում տեսանք, նա քօղարկուած ձկերով հասկացնում էր մահմեդականներին թէ «նրանց աշխարհը» նրանց ձեռքից յափշտակել էին... Ո՞վ էր յափշտակել, այդ արդէն շատ պարզ է...

Մենք Աղայեվի յօդուածի մի մասն էինք տուել, խոստանալով միւսը այս անգամ առաջ բերել. մենք այդ խոստումը անկատար պիտի թողնենք, նախ, որովհետեւ Աղայեվ իր նոյն յօդուածի շարունակութեան մէջ նոր բան չի ասում, ծանրանում է իր նախորդ ասածի վրայ տարբեր դարձուածքներով, աքնում է ապացուցանել թէ մահմեդականների փրկութիւնը զուրանի մէջ է միայն, թէ մահմեդականները կարող են առաջադիմել (?) միմիայն զուրան կարդալով. նա դարձեալ նենգաւոր ակնարկներ է անում թէ մահմեդականները անուշով մի-

այն մահմեդականն են, թէ նրանք չեն ցոյց տալիս այն մարտական, ռազմիկ ոգին, որով կը տենչար վառուած տեսնել նրանց. օրինակ նա մի տեղ գրում է.

«Այսպիսի անուաններ ենք կրում, որոնք երբէք մեր մէջ փաստերով գործերով չեն արտայայտուում. ինչպէս Րուքն Էդդին—կրօնի վիմաքար—Մէյֆ Էդդին—կրօնի սուր—հայն հայն...»

Այսքան համարձակ գրգռումներէց յետոյ, պարզ է թէ Աղայեվի անանձ քարոզները իրանց արդիւնքը պիտի տային։ Եւ դեռ ևս Աղայեվը քաջութիւն ունի արիւնոտ դէպքերի պատասխանատու համարել հայերին...

Երկրորդ պատճառը, որով մենք Աղայեվի յօդուածի—իր ընդհանուր ոգուն մէջ արդէն մեզ յայտնի—շարունակութիւնը զանց ենք առնում, այն է, որ մեր ընթերցողներին ներկայացնելու այլ, և գերազանցապէս շահագրգիռ բաներ ունենք։ Մեր ձեռքի տակ ունենք արտասահմանի իսլամ պարբերական հրատարակութիւններից մէկի «Իջթիհատ»-ի № 4-ը, ուր կայ մի այսպիսի տոկումէնտ։ Ռուսաստանի մահմեդականները մի տեղեկագիր են կազմել այն հարստահարութիւնների մասին, որ կրում են ռուս կառավարութեան կողմից։ Այդ տեղեկագիրը մահմեդականները ներկայացրել են ոչ միայն ռուս կառավարութեան, այլ և ուղարկել են ըլլոր օտար պետութիւններին, ինչպէս Թիւրքիային, Գերմանիային, Ամերիկային, Աւստրիային, Անգլիային, Իտալիային, Փրանսային և Նոյնիսկ Ճապոնիային։

Արտասահմանի յիշեալ օրգանը տպագրել է այդ տեղեկագրի էական մասերը և իր կողմից աւելացրել է մի շարք խորհրդածութիւններ, որոնք այնքան էլ փաղաքշական չեն գանգատաւոր մահմեդականների համար։

Ահա այդ դոկումէնտը նոյնութեամբ։

Ռուսաստանի մահմեդականները

Ռուսաստանի մահմեդականները՝ ռուս կառավարութեան կողմից կրած հարստահարութիւնների մասին մի երկար տեղեկագիր ստացանք, որի մի քանի հատուածները ի ստորեւ առաջ ենք բերում։

«Այսպիսի մի ժամանակ, երբ առհասարակ ամենքը օգուտ են քաղում կարծիքների ազատութիւնից, ինչո՞ւ համար Ռուսաստանի մահմեդականները զրկուին այդ ազատութիւնից։ Ռուսաստանի մահմեդականները ամեն տեսակ իրաւունքները

առնակոխ են եղել և հետզհետէ լինում են: Ռուսաստանի մահ-
մեղականների հոգևոր գործերի վարումին և հոգևոր կալուած-
ների (վազըֆ) կառավարումին համար ժամանակով առանձին
վարչութիւն հաստատուած և նրանց մի շարք արտօնութիւններ
շնորհուած էր թէև, ըպց, այսօր, ուս և կառավարութիւնը՝ հա-
կառակ քսաներորդ դարու ներկայ քաղաքակրթութեան, իսլա-
մական իրաւունքները բռնաբարելու և ընաշինջ անելու վրայ
է: Հետևաբար, մահմեդականների բռնաբարուած իրաւունքնե-
րից մի քանիսը յիշատակում ենք հետևեալ կերպով:

«Առաջին.—Եկատերինա Երկրորդ կայսրուհու օրով 1787
թուին մահմեդականների հոգևոր գործերի կառավարութեան և
սրբազան շէրաաթի հիման վրայ դատաստան տեսնելու նպա-
տակով Ուֆա քաղաքում մի կրօնական դատարան հաստա-
տուեց. այս դատարանի համար հոգևորականներից մի մուֆթի
(կրօնական դատաւոր) և երեք զազի ընտրուեց մահմեդական-
ների միջև տեղի ունենալիք խնդիրների, վէճերի լուծման, և
մզկիթների և մէդրէսէների տնօրինութեան և կառավարման և
ամուսնական և ապահարզանի և ժառանգութիւնների բաժան-
ման նման դատերի ընտրութեան և կարգադրման համար:

«Մուֆթին այդ դատարանի նախագահ լինելու պայմանով
միւս երեք զազիներն էլ միասին պիտի ընտրուէին Կազանի
մահմեդականների միահամուռ հաւանութեամբ: Այդ դատարա-
նի իրաւասութիւնը, ինչպէս և նրա անդամների զուտ մահմե-
դական հոգևորականներից ընտրուելը՝ պետութեան անհրաժեշտ
օրէնքով վճռուած էր:

«Երկրորդ.—Դրդիների և կազակ ցեղերի մէջ իսլամական
աստուածայայտ կրօնի ուսուցման համար մահմեդական ուսու-
ցիչներ ուղարկուելու մասին 1792 թուին կայսերական մի հրո-
վարտակ շնորհուած էր: Բուխարայի և Նիվայի կողմից գաղ-
թելով Սիբիրիա հաստատուած մահմեդականներին աւելի ըն-
դարձակ արտօնութիւններ տրուած էին. նրանք անձնական և
առևտրական տուրք չպիտի վճարէին:

«Երրորդ.—Դրիմի մահմեդականների համար էլ մի հոգևոր
առանձին դատարան բացուած էր և նրանց բոլոր կրօնական
գործերի կարգադրութիւնը ինչպէս և հոգևոր կալուածների
մատակարարութիւնից գոյացած հասոյթը յօգուտ ազգի և
ազգային դպրոցների և մէդրէսէների ծախսուելը յիշեալ դա-
տարանի իրաւասութեան պատկանում էր: Դրիմի իսլամ
զինուորները պէտք է առանձին գունդ կազմէին և միայն Դրի-
մի թերակղզու սահմաններում ծառայէին. նրանք Ռուսաստանի

դիմութեան և պահպանութեան համար քառասուն տարուց ի վեր ոչինչ չէ արած: Մի քանի նահանգներում երբեմն հազիւ հազ մի քննիչ գալով՝ առաջարկում է դպրոցներում ուսու լեզուի ուսուցումը: Եւ երբ ժողովուրդը այդ առաջարկը չի ընդունում, նա՝ դպրոցները փակելով հեռանալուց բացի ոչինչ չէ անում: Այս կերպով մեր մի քանի կրօնական դպրոցները փակեցին: Ռուս կառավարութեան դիտաւորութիւնը այս մասին՝ միմիայն մեր մէջընկերում ուսու լեզուն ներմուծելն է: Տարօրինակ է, որ մինչդեռ ուսու ըլլող դպրոցների ծախքը լուսաւորութեան մինիստրութիւնն է հոգում, և նրանց հոգևոր դպրոցների վարչութիւնը հոգևորականների ձեռքին է, մեր դպրոցները թէ՛ մեր ձեռքից խլելով յանձնում են լուսաւորութեան մինիստրութեան, թէ՛ չեն հոգում նրանց ծախքերը և թէ՛ նոյնիսկ մեր դպրոցներում ուսուերէնի ուսուցման հարկաւոր եղած ծախքերը մեզ են առաջարկում վճարել: Բացի այդ՝ առաջարկում է գիւղական հասարակութեան իմամներին ուսուերէն կարգաւ գրել իմանալ: Բայց միթէ՞ հնարաւոր է տամնեհինգ տարի մէջընկերում ուսանելուց յետոյ, ուսու նախնական դպրոցները յաճախելով ուսուերէն սովորել: Եթէ՛ նոյնիսկ խլամ հոգևորականները այդ մտքով դիմում անեն, այդ կարգի ուսու մնարանների կանոնադրութեան համաձայն չեն կարող ընդունուել: Հետեալաբար, ուսու կառավարութիւնը շատ լաւ իմանալով որ իմամները ուսուերէն սովորելու անկարող են, պահանջում է որ ուսուերէն չիմացողը իմամ չլինի, որով ձգտում է իմամութիւնը բոլորովին ջնջել: Այս պատճառով մահմեդականների մեծամասնութիւնը նախընտրելով գաղթել, վաղուց ի վեր ցիր ու ցան լինելու վրայ է: Մի մեծ մասն էլ օսմանեան կառավարութեան երկիրը գաղթելով՝ խալիֆէի բարձր հովանաւորութեան տակ մտած և ասպնջականութիւն վայելած են: Ռուս կառավարութեան վերոյիշեալ վատ դիտաւորութիւնը՝ այժմեան ուսական Սինօզի նախագահ Պրիետանոսցէվի և Կազանի համալսարանի տնօջէն՝ Իլմինսկիի միջև փոխանակուած գրադրութիւնից և մամուլի մէջ լոյս տեսած լուրերից և թղթակցութիւններից աւելի ակնյայտ դարձաւ: Բուխարայի և Նիվայի կողմերից Սիրիբիա գաղթած մահմեդականներին՝ ժամանակով շնորհուած արտօնութիւնների հետքն անգամ չէ մնում: Սրանց սեփականութիւնը եղող ամբողջ հողերին կառավարութիւնը տիրացած է, և առևտրի վերաբերեալ արտօնութիւններն էլ ջնջուած են: Նոյնիսկ Սիրիբիայի Վոլս նահանգի մահմեդականների տանուտէրական (մուլթարիյէթ) վարչութիւնները ջնջուելով ուսու գիւղերի տանուտէրական վարչութիւնների մէջ

մտցնելու մասին որոշում կայացրել են և հարկ եղած գործողութիւնները կատարել են. այս պատճառով էլ նոյն մահմեդականները ստիպուել են դադրել և իրանց կողմից փոխանորդներ ուղարկել են Կ. Պոլիս:

«Իսկ ինչ վերաբերում է Ղրիմի մահմեդականներին, սրանց մէջ էլ մուֆթիի պաշտօնը ջնջուելով՝ կառավարութեան կողմից ընտրուած տգէտ անձերի միջոցով փոխանորդաբար կառավարուած են, իսկ հոգևոր կալուածները ամբողջապէս կրօնական ատեանից խլուելով ուստի պաշտօնէութեան յանձնած են. սրանք էլ՝ դանձուած հասոյթը՝ դպրոցների և մէդրէսէիների օգտին չյատկացնելով՝ վատնելու վրայ են: Ներկայումս, հոգևոր կալուածների վարչութեան մօտ կէս միլիոնից աւելի փող գտնուելով հանդերձ, մի կողմէ կը յօգուտ իսլամութեան չծախսուելուց զատ, ընդհակառակը ամբողջը ուսմաների կողմից իւրացրուած է: Զինուորները՝ հակառակ օրինաց, ցրուել են բոլոր գաւառներում. էսկադրոնի իմամները անուշով միայն գոյութիւն ունին, հետևաբար սրանք էլ ճնշումներին անկարող լինելով դիմանալ, ամբողջովին դադրել են:

«Այժմ դանք մահմեդականների կրօնական ազատութեան և ուսմաների հետ համահաւասար իրաւունքներ վայելելու հարցին:

«Բաղաքներում, կառավարական օրէնքների հիման վրայ դուռնայի վարչութեան անդամներ թուի $\frac{3}{4}$ -ը ուստի պէտք է լինի: Բայց նոյնիսկ Սեմիպոլատի նման քաղաքներում, չնայած որ մահմեդականները կազմում են մեծամասնութիւն, քաղաքային վարչութեան անդամների թուի $\frac{3}{4}$ -ը դարձեալ ուստի են:

«Երբ մահմեդականները ամեն տեսակ տուրքերը ուսմաների հետ հաւասար են վճարում, այլևս ի՞նչ միտք ունի այս օրէնքը: Ռուսական դպրոցներում մահմեդական աշակերտների համար մի կրօնուսոյց անգամ չկայ, մինչդեռ ուստի աշակերտների համար ամեն դպրոցներում կրօնքի ուսուցիչ կայ: Ռուսների բարձրը հոգևորականները ռոճիկ են ստանում. կառավարութիւնը նպաստ է տալիս դպրոցներին. մեր ոչ հոգևորականներին և ոչ էլ դպրոցներին պաշտպանութիւն ցոյց չտրուելուց բացի, նոյն իսկ մեր իմամները զինուորական ծառայութիւնից ազատ չեն կացնու. մզկիթի մէջ այսօր իմամութիւն անողը՝ էգուց զինավարժութեան է կոչուած, եթէ պահեստի կամ մուսթահաֆըզ (պահեստից յետոյ կանչուող) զինուոր է. պաշտօնական ոչ մի տուրքից էլ ազատ չէ կացնու. բացի դրանից՝ Ռուսաստանի 40,000 մահմեդականներին՝ կառավարութիւնը բռնի՝ բրիտանիայ անունը տուել է. այս մարդիկը հակառակ սերնդից սե-

րունդ մահմեդական լինելուն, կառավարութիւնը ճշդութիւններ է գործ դնում նրանց բռնի քրիստոնէացնելու համար:

Ռուս կառավարութիւնը Կովկասի և Դաղստանի մահմեդականների թէ՛ անհատական և թէ՛ հասարակական իրաւունքները բնաւ ուշադրութեան չառնելուց, և նրանց առաջ, հոգեւոր գործերում, ամեն տեսակ խոչընդոտներ յարուցանելուց զատ, կրօնական հարցերի և դաւանական պահանջների մէջ ևս իր տոնձրութիւնները չափ ու սահմանից անց է կացնում: Մինչդեռ ամեն տեղ, ամեն երկրում կրօնքի ազատութիւնը ապահովուած է, ուստի կառավարութիւնը բաց արձակ մահմեդականներին արդեւում է աղօթել և նրանց աղօթատեղիները անասունների և մասնաւորաբար խոզերի բնավայր է դարձնում: Իսլամ հոգեւորականներից և շէյխերից շատերին աքսորել, անյայտ կորցնել, և ըստ ոմանց, սպանել է: Ի միջի այլոց, սրբակրօն հոգեւորականներից հաջի Աբդ-իւ-Լաթիֆ էֆէնդուն՝ աքսորած և անյայտացրած է Հիշազ և Կ. Պոլիս ուխտի գնացած լինելուն պատճառով: Կըմուկի կողմերում գտնուած մի քանի մահմեդական գիւղերում աւազակախմբեր բնակեցնելով՝ գիւղացիների հողերը բռնութեամբ յափշտակել և յիշեալ աւազակներին յանձնել է: Սև Դըրա քաղաքի շրջակայքում գտնուած մի քանի մահմեդական գիւղերը ամբողջապէս աւերելով՝ բնակիչներին Պարսկաստանի սահմաններն է աքսորել և նրանց տեղ յիշեալ աւազակախմբերին է բնակեցնում: Այս մահմեդականների մի մասը չհանդուրժելով այդ անխնայ հարստահարութիւններին ապաստանել է խալիֆային: Նուիրագործուած օրէնքների համաձայն՝ փոխանակ իւրաքանչիւր մահմեդականից տան համար տարեկան մի բուրլի հարկ ստանալու, դիտւածք, հարստահարելու նպատակով այժմ իւրաքանչիւր տնից երկու հարիւր բուրլի պահանջելով՝ գանձելու ձեռնարկած է: Որովհետև մահմեդականներին սպանողները փոքր կաշառքներով պատժից ազատուում են, մահմեդականներին սպանելու համարձակողների թիւը օրէց օր աւելանում է: Մինչդեռ մի ուստի կողմից ներկայացրած աղերսագիրը անմիջապէս ուշադրութեան առնուելով՝ բաւականութիւն է տրւում նրան, մահմեդականը իր իրաւունքների պաշտպանութեան համար երբ խնդրամատոյց է լինում, բռնում են նրան, բանտարկում, և տուգանքի ենթարկում: Մահմեդականների վրայ ճշդում և հարստահարութիւն գործ դնող անձերին կառավարութիւնը բաց արձակ պաշտպանում և հովանաւորում է: Կառավարական այս թոյլտուութիւնից քաջայերուած՝ աւազակաբարոյ անձինք ամեն օր մահմեդականների պատին և ատացուածքը բռնաբարում են որեւէ միջոցով...»

Այս տեղեկագրի տակ մահմետական օրգանի՝ «Իշթիհադ»-ի խմբագրութիւնը հետեւեալ շահագրգիռ խորհրդածութիւններն է աւելացնում:

«Մահմեդականների՝ ոռու կառավարութեան կողմից հարստահարութիւններ կրելնուդ մասին էք խօսում. բայց ի՞նչ օգուտ էք սպասում խօսելուց: Եթէ մահմետականները ճշուում և հարստահարում են, պատճառը նրանց մահմետական լինելը չէ, այլ տգէտ և ծոյլ լինելը: Ի՞նչ էք կարծում, այն իսլամները որ գտնւում են մահմետական կոչուած կառավարութեան տակ, նրանք պակաս ճշումի և հարստահարութեան են ենթարկւում ձեր փառարանած խալիֆայի կողմից: Ռուսական կառավարութիւնը շարունակ ձգտում է, ասում էք, ձեզ ոռւետն սովորեցնելու. վատ բան է անում: Այդ դէպքում գոնէ ձեր չգիտցած ու չհասկացած թուղթի տակ ստորագրելուց աղատ կը լինէք: Ռուս կառավարութիւնը ձեզնից զինուոր է առնում և ձեր հաւատակից եղբայրների վրայ սուր է բաշխ տալիս: Միթէ ձեր խալիֆա յորջորջած Աբդուլ-Համիդը միևնոյն բանը չի անում: Եւ մէնում մեր զօրքերի նահատակած արարները միթէ մահմետական չեն: Միթէ նրանց մորթող զօրքերը մահմետական չեն: Այդ զօրքերի դերագոյն հրամանատարը այդ կեղծ խալիֆա Աբդուլ-Համիդը չէ: Մեր այդ արար հայրենակիցների և հաւատակիցների ազատամբութեան պատճառը միթէ նրանց կրած ճշումն ու հարստահարութիւնը չէ: Գրում էք որ ձեր այդ տեղեկագիրը ուղարկել էք Գերմանիայի, Ամերիկայի, Աւստրիայի, Ռուսիայի, Ռուսաստանի, Ժապոնիայի և այլն ղեկավարներին... Հրեաներից աւելի ճշուած ազգ չկայ Ռուսաստանում. բայց հակառակ նրանց կրած բոլոր հաւածանքներին, միթէ չէք տեսնում, թէ նրանք ի՞նչ դիրք ունեն գրաւած վաճառականութեան և արուեստների, ընկերութիւններ կազմակերպելու, բժշկութեան, երկրաչափութեան, փաստաբանութեան և այլ ամեն տեսակ ասպարէզների մէջ: Ռուսաստանում 20 միլիոն մահմեդականներից քանի՞ հատ պրոֆէսէօր, քանի՞ բժիշկ, քանի՞ ընկերութիւնների տնօրէն, քանի՞ բանկիր կան: Ռուս կառավարութիւնը հրէայ երկու սեռի աշակերտներին հազար տեսակ դժուարութիւններով է ընդունում գիմնազիաներում և համալսարաններում: Պարիզի, Բերլինի, Լոնդոնի, ժընէվի համալսարաններում երկու սեռից հազարաւոր ուսանողատակ հրէայ ուսանողներ գիտութիւն և արուեստ են սովորում: Օտար երկրներում ուսման դիմելու պատճառը Պետերբուրգի և Մոսկուայի համալսարաններում չընդունուելն է: Իսկ մահմեդականների առաջ Ռուսաստանի բոլոր դըպ-

ըոցների դռները բաց են. ինչո՞ւ համար ձեր զաւակնե ըին չէք ուղարկում այդ դպրոցները և ուսման տալիս: Ինչո՞ւ նրանց չէք ուղարկում Եւրոպա: Եթէ ձեր զաւակներին թէ Ռուսաստանում և թէ Եւրոպայում ուսում առնել տաք, այն ժամանակ նրանք թէ կառավարական և թէ մասնաւոր դործերում կարեւոր դիրքեր կա-
րող են գրաւել և հարցը բոլորովին այլ կերպարանք կը ստա-
նայ: Հերիք խալիֆան, խալիֆան աղադակէք: հերիք խալիֆայի
երկիրը երազէք: Արդ-իւլ-Համիդ՝ խալիֆայի երկրին էլ, խա-
լիֆայութեան էլ յարգն ու պատիւը խաղք, խայտառակ ա-
րեց: Եւ բոլոր մահմեդականների կրած թշուառութիւնների
խակական պատասխանատուն՝ մեծ մասով՝ Արդ-իւլ-Համիդը և
Արդ-իւլ-Համիդի նման օսմանցի դաւաճան սուլթաններն են:
Եթէ Արդ-իւլ-Համիդը կրօնի և ազգի թշնամի, անխիղճ մի
թագաւոր չլինէր, քսան և ութ տարուայ ընթացքում Թուրքիան
աւելի հաստատուն և քաղաքակիրթ մի պետութեան դրութիւ-
նը կը ստանար: Եւ մահմեդականներն էլ այն ժամանակ զօրեղ
մի ապաստան, մի յենարան, դիտութիւնների աղբւր կունե-
նային... Այժմ Թիւրքիայի թագաւորը մի բուլղար իշխանաւո-
րի առաջ դողդողում է: Խնդրագիրներ և տեղեկագիրներ
ներկայացնելով ի զուր ժամովաճառ մի լինէք, եղբայր-
ներ: Ուսում և փող վաստակեցէք: Առանց գիտութեան
փող շահել, առանց փողի ուսում առնել և առանց եր-
կուսին ապաստութիւն և իրաւունքներ ձեռք բերել և պահ-
պանել անկարելի է: Մահմեդական կառավարութիւնների՝
իրանց հպատակների վրայ գործ դրած հարստահարու-
թիւնները, Ռուսաստանի՝ իր մահմեդական հպատակների
վրայ գործ դրած հարստահարութիւններից շատ ու շատ աւելի
են: Ռուսաստանը զօրքին խոզի միս է կերցնում ասում էք:
Արդ-իւլ-Համիդ՝ իսլամ զօրքին՝ քաղցից, թշուառութիւնից
մեղցնում է: Եւ նրանց անունդին յատկացրած փողով՝ իր անձի
պահպանութեան համար գործ ածած լրտեսներին է պարարտա-
ցնում: Օսմանեան երկրի ոչ մի մասում ապահովութիւն և ար-
դարութիւն չկայ: Թիւրք, հայ, քիւրդ, արաբ, յոյն և այլն ա-
մենքը միմիանց մորթոտում են: Այդ բոլոր խառնակութիւննե-
րի և թշուառութիւնների հեղինակն ու պատճառը իսլամական
խալիֆան չէ: Մենք այժմ բացի մահմեդականութեան անունից
ոչ մի բանի տէր չենք: Անօգուտ է լաց լինել, խնդրագիրներ
տալ: Ռուսաստանից ստացուած վերջին հեռագրների համաձայն՝
այժմ, Կովկասում, մահմեդականները իրանց հայ հայրենակից-
ների հետ միմիանց սպանելով զբաղուած են: Այս վայրենու-
թեան պատճառը ի՞նչ է, եթէ ոչ տգիտութիւնը: Ժամանակը՝

գիտութեան, արուեստների, վաճառականութեան ժամանակ է: Բայց արեւք ձեր աչքերը: Սովորեցէք ուսերէն, ֆրանսերէն և այլ լեզուներ, և ձեր դաւաններին սովորեցրէք. ընկերութիւններ կազմեցէք: Եթէ այսպէս տգէտ մնանք, ոչ թէ Ռուսաստանում, այլ Եւրոպայի ամենաազատ և ամենարդարադատ երկրում անդամ մեր բաժինը անարդարութիւնից բացի ուրիշ բան չի կարող լինել:

«Մի խօսքով կատարեալ տխրութեամբ կարդացած ձեր խնդրագրի մի քանի մասերում դուք շատ իրաւացի էք: Բայց այդ իրաւունքները ձեռք բերելու համար անհրաժեշտ եղող միջոցների ընտրութեան մէջ սխալուում էք:»

Թուրք օրգանի այս շատ իրաւացի և շատ խելօք խորհրդածութիւններից յետոյ, մենք կ'ուղէինք շեշտել հետևեալ կարևոր կէտի վրայ:

Մահմեդականները անդադար կրկնել են որ թիւրքահայերը աններելի յանցանք են գործել Սուլթանի կառավարութեան կողմից իրանց կրած անլուր հարստահարութիւնների և տանջանքների դէմ բողոքելով Եւրոպային: Նրանք այդ դիմումով իբրև թէ կամեցել են Եւրոպայի միջոցով պատառ պատառ առնել տալ թիւրքիան: Այժմ նոյն քայլն են անում և իրանք. այդ «ամենահաւատարիմ հպատակները» դիմում են օտար պետութիւններին: Մեկնութիւններն աւելորդ են...

Տ. Ջալիլ